

GOBIERNO DE NAVARRA

PRESIDENCIA, ADMINISTRACIONES  
PÚBLICAS E INTERIOR

ECONOMIA Y HACIENDA

CULTURA, TURISMO Y RELACIONES  
INSTITUCIONALES

EDUCACION

SALUD

POLÍTICA SOCIAL, IGUALDAD,  
DEPORTE Y JUVENTUD**DESARROLLO RURAL, INDUSTRIA,  
EMPLEO Y MEDIO AMBIENTE**

FOMENTO Y VIVIENDA

SEGURIDAD Y EMERGENCIAS

## Nafarroako nekazariak asteazken honetan Europako kalte-ordainak kobratzen hasiko dira pepinoaren krisia dela-eta

*Nafarroako Gobernuak funtsen eskaera bizkortu du laguntzak hel daitezen haien ordainketarako ezarritako lehen aste baliodunean zehar*

Martes, 23 de agosto de 2011

Pepinoaren krisiak eragindako kalteengatik Europar Batasunari laguntzak eskatu zizkieten Nafarroako nekazariak, Nafarroari baimendutako 706.447 eurotik 402.911 euro jasoko dute asteazken honetan. Nafarroako Gobernuak funtsen eskaera bizkortu du funts horiek hel daitezen laguntzak ordaintzeko EBak ezarritako lehen aste baliodunean zehar; beraz, gainerako 303.536 euroak datorren astean ordain daitezke.

Foru Erkidegoaren kasuan, laguntza horiek 27 onuradunen artean banatuko dira, eta haietatik bost Fruta eta Barazki Ekoizleen Erakundeak dira (OPFH).

Landa Garapen, Industria, Enplegu eta Ingurumen Departamentuak beharrezkoak diren ikuskapenak bizkortu ditu epearen barnean eskaera guztiak izapidetu ahal izateko, denbora horretan guztian kaltetuekin zuzeneko komunikazioa zabalik izateaz gain, zalantzak argitu eta administrazioko izapideak bizkortzeko xedez.

EBak aurreikusitako laguntzak 210 milioi eurokoa da guztira, eta konpentsazio moduan banatuko dira "prebentzio neurriak eta krisialdiaren kudeaketa" izeneko esparruan egin diren edo egingo diren operazioen arabera, 2011ko maiatzaren 26 eta 2011ko ekainaren 30 artean.

Laguntza-neurri horien barnean sartzen diren produktuak honako hauek dira: tomatea, piperra, pepinoa, kalabazina, letxuga eta txikoria familien zenbait produktu (letxugak, txikoria, eskarola eta endibia).

Uzta ez biltzearen edo produktuak heldugabe daudenean (heldu gabeko produktua) egitearen operazioak konpentsatzea da laguntza-neurrien helburua, bai eta jada bildutako barazkiak doan banatzeko operazioetarako bideratzeko Nafarroako Elikagaien Bankuaren bidez edo beste azpiproduktu batzuk lantzeko, gizakiek era freskoan kontsumitzea helburu ez dutenak (ganaduarentzako elikadura, konposta, bioerregaiak edo partzelan egindako biodegradazioa, besteak beste).

Neurri horiez balia daitezke ekoizle indibidualak nahiz OPFHko ekoizleak. Gainera, azken horiek beren funts operatiboetatik etorritako finantzaketa osagarria jaso ahal izan zuten, Erkidegoko araudiak ezartzen duenez.